



Ovaj projekat finansira Evropska unija

ROMA ACTION



Publikaciju izdaje Hilfswerk Austria International

Izdanje br. 1

O projektu

Hilfswerk Austria International (HWA), u partnerstvu sa Arbeter-Samariter-Bund Deutschland e.V (ASB), Romskim udruženjem Kali Sara – RIC i 11 institucija lokalnih vlasti, implementira još jedan projekat u svrhu podrške populaciji Roma u BiH.

Projekat ROMA ACTION ima za cilj podršku socijalnom uključenju ranjivih Romskih porodica u područjima pogođenim poplavama i klizištima putem izgradnje ili obnove stambenih jedinica i obezbjeđenja socio-ekonomskih mjera.


Projekat finansira Evropska Unija kroz instrument predpristupne pomoći IPA 2013 u iznosu od 2.5 miliona Eura, uz lokalno sufinansiranje u iznosu od 327.227 Eura.

Projekat se implementira u gradovima Tuzla, Bijeljina i Zenica, općinama Gračanica, Banovići, Kakanj, Zavidovići, Modriča i u Brčko Distriktu BiH.

Sve projektne lokalne administracije uz Ministarstvo raseljenih osoba i izbjeglica FBiH i Ministarstvo za rad, socijalnu politiku i izbjeglice ZE-DO Kantona učestvuju u projektu putem sufinansiranja.

Ovaj projekat je posebno namijenjen ranjivim romskim porodicama pogođenim poplavama i klizištima te kao takav ima za cilj da značajno poboljša životne uslove za 140 ranjivih romskih porodica u 9 administrativnih jedinica u BiH.

Roma Action



Predstavnici Delegacije Evropske unije za BiH, Hilfswerk Austria International, Kali Sara - RIC i lokalnih vlasti polažu kamen temeljac za izgradnju zgrade socijalnog stanovanja za 8 romskih porodica u Kakanju.



Ovaj projekat finansira Evropska unija

Partneri na projektu:



Ovaj projekat implementira Hilfswerk Austria International

Očekivani rezultati



Zgrada socijalnog stanovanja u Kaknju

- 140 romskih porodica u 9 odabranih lokacija useljeno u obnovljene i novoizgrađene stambene jedinice, čime su im značajno poboljšani uslovi života
- Poboljšana socio-ekonomska inkluzija za najmanje 140 romskih porodica u projektnim lokacijama pogođenim poplavama putem posebno osmišljenih socio-ekonomskih mjera
- Poboljšana ekonomska održivost za najmanje 70 romskih porodica osiguravanjem mjera potrebnih za preživljavanje nakon poplava
- Povećana svijest o jednakim mogućnostima socijalne integracije putem upisa u građanske registre, obrazovanje djece, mladih i ciljanih romskih porodica putem 8 interaktivnih radionica
- Pružena podrška za najmanje 4 tematske radne grupe na državnom nivou u 4 sektora vezana za Rome u cilju sačinjavanja prijedloga za rješavanje aktuelnih problema
- Više od 800 pojedinaca imat će direktnu korist od implemetacije projekta.

Proaktivno uključenje lokalnih vlasti

Sve nadležne domaće vlasti osigurale su finansijske, administrativne i tehničke preduslove za provedbu projekta, što uključuje i pravovremeno obezbjeđenje građevinskog zemljišta za izgradnju zgrada za socijalno stanovanje, kao i saglasnosti i tehničku infrastrukturu. Time je potvrđeno njihovo opredjeljenje da postupaju prema Romima kao jednakopravnim građanima. Predstavnici lokalnih vlasti direktno učestvuju u implementaciji projekta putem rada u lokalnim Projektnim implementacionim timovima, Komisijama za odabir korisnika i svim drugim administrativnim i tehničkim sektorima projekta.

Udruženja i predstavnici Roma dali su punu podršku ideji projekta i bezrezervno pružili sve potrebne podatke.

Ministarstvo za ljudska prava i izbjeglice BiH, Ministarstvo raseljenih osoba i izbjeglica F BiH i Ministarstvo za rad, socijalnu politiku i izbjeglice Ze-Do Kantona također su uključeni i pružaju punu podršku u domenu svojih nadležnosti.



Partnerstvo na projektu



Projekat pokazuje sve prednosti saradnje međunarodnih i lokalnih organizacija, koje imaju ogromno iskustvo u polju zaštite prava Roma, kao i konkretnih aktivnosti na unaprjeđenju životnih uslova, socijalnog uključenja i ekonomskog prosperiteta romske populacije.

Hilfswerk Austria International implementira projekat u partnerstvu sa Arbeter-Samariter-Bund Deutschland e.V i Romskim udruženjem Kali Sara-RIC. Pored iskustva u imlementaciji projekata za podršku socijalno ugroženoj populaciji, sve tri organizacije posjeduju dugu i uspješnu tradiciju saradnje sa lokalnim vlastima što značajno doprinosi uspješnoj realizaciji projektnih komponenti. Ostvareno povjerenje i partnerstvo između organizacija i lokalnih vlasti rezultiralo je značajnom finansijskom podrškom svih uključenih nivoa vlasti, što je u konačnici rezultiralo i alokacijom 2.5M€ od strane Evropske Unije.

Uspostavljeno partnerstvo se uspješno njeguje i zajednička baza znanja i iskustva se uspješno primjenjuje u realizaciji projekta.

Partneri na projektu:



Aktuelno u implementaciji

Pripreme aktivnosti su uspješno završene u svim projektnim lokacijama. Potpisani su bilateralni ugovori HWA sa svim partnerima u projektu i formirani su timovi za implementaciju projekta. Komisije za odabir korisnika završile su izbor korisnika. Izbor korisnika je izvršen prema transparentnom kriteriju, uz učešće građanskih i projektnih struktura u postupku odabira i pristupu „slučaj po slučaj“.

Romske porodice su dobro upoznate, pripremljene i direktno uključene u implementaciju projekta skupa sa lokalnim vlastima i relevantnim građanskim strukturama.

Od ukupno 140 stambenih jedinica koje će osigurati projekat Roma Action, 68 će biti novi stanovi u zgradama socijalnog stanovanja, a 72 postojeće stambene jedinice bit će rekonstruisane/obnovljene, nakon što su ispunjeni svi zakonski preduslovi za radove i pribavljena sva potrebna dokumentacija.



U okviru izgradnje zgrada socijalnog stanovanja planirano je slijedeće:

- Kakanj - zgrada sa 8 stambenih jedinica,
- Gračanica - dvije zgrade sa po 6 stambenih jedinica (ukupno 12),
- Banovići - dvije zgrade sa po 4 stambene jedinice (ukupno 8),
- Brčko - zgrada sa 18 stambenih jedinica,
- Zavidovići - zgrada sa 12 stambenih jedinica i
- Modriča - zgrada sa 10 stambenih jedinica.

Izgradnja zgrada u Kakanju, Gračanici i Banovićima je u završnoj fazi, a primopredaja korisnicima planirana je za mart 2017. godine.

U Bijeljini je korisnicima predato 12 obnovljenih kuća u decembru 2016. godine, dok je rekonstrukcija 36 kuća u završnoj fazi.

U toku je postupak odabira najpovoljnijeg ponuđača za izgradnju zgrade sa 18 stambenih jedinica socijalnog stanovanja u Brčko Distriktu BiH.



Zgrade socijalnog stanovanja u Gračanici

Kali Sara-RIC radionice

Partnersko udruženje Kali Sara-RIC u saradnji sa Ministarstvom za ljudska prava i izbjeglice Bosne i Hercegovine izradilo je plan i održalo sedam tematskih radionica. Glavna tema radionica bilo je analiziranje trenutne efikasnosti državnog programa za Rome u polju obrazovanja, stambenog zbrinjavanja, zaposlenja i zdravstvene zaštite.

Radionice su održane na sedam različitih lokacija u julu i septembru 2016. godine (Mostar, Zenica, Tuzla, Bijeljina, Banja Luka, Sarajevo i Bihać). Na radionicama su učestvovala 132 osobe, predstavnika ministarstava, općina i lokalnih nevladinih organizacija. Ovaj rad je rezultirao izradom nacrta Akcionog plana Bosne i Hercegovine za rješavanje problema Roma u oblastima zapošljavanja, stambenog zbrinjavanja i zdravstvene zaštite 2017-2020.



Partneri na projektu:





ROMA ACTION 2015 - 2017

Razmijenjena su mišljenja sa više lokalnih insitucija o detaljnoj procjeni i ažuriranju potreba Roma i relevantnih strategija, što je rezultiralo prihvaćanjem projektne filozofije i vremenskih rokova od strane svih zainteresiranih sudionika. Logika implementacije, sa jakim multidisciplinarnim područjima, obuhvaća jasno opisane nepore usredsređene ne samo na izgradnju i obnovu kuća, nego i na poboljšanje ekonomske inkluzije Roma pomoću malih humanitarnih i ekonomskih grantova. Plodne diskusije bile su usmjerene na dodatni razvoj mogućnosti lokalnih romskih udruženja i lokalnih vlasti, stvarajući tako povoljan ambijent za zajedničko aktivno učešće u budućem poboljšanju životnih uvjeta Roma i njihovom socijalnom uključenju.



O projektu govore ...

Suzana Jašarević,

Direktorica HWA za BiH:

Romska zajednica u Bosni i Hercegovini je najranjivija u regiji i još uvijek se suočava sa duboko ukorijenjenim ekonomskim i socijalnim problemima. Pored ostalih izazova, stambeno pitanje je i dalje najveći problem romskih porodica koji je na žalost pogoršan poplavama iz 2014. godine. Problem stanovanja prati povećana potreba za zapošljavanjem i obrazovanjem Roma. Značaj projekta za nastojanja BiH u sklopu Dekade Roma je velik, jer predstavlja kombinaciju napora partnera na projektu, MLJPI BiH i projektnih općina/gradova na osiguranju mjera socijalnog stanovanja, rekonstrukcije kuća i ekonomske inkluzije.

Postoje tri ključna faktora za zadovoljavajuću dinamiku: tim za implementaciju sa 20-godišnjim iskustvom u postizanju provjerenih rezultata po pitanjima problema ranjivih kategorija u BiH, projektni partneri i posvećeni sudionici projekta koji su potvrdili i ispunili svoje obaveze i obećanja. Vidljiviji efekat bi se trebao materijalizirati tokom posljednje faze projekta, kada bude završena isporuka svih humanitarnih grantova i okončane izgradnje i rekonstrukcije.

Massimo Mina,

Šef odjela Operacija za socijalni razvoj, civilno društvo i prekograničnu saradnju u delegaciji EU za BiH:

G. Mina pozdravio je posvećenost svih sudionika u projektu, naglašavajući važnost inkluzije Roma u društvo i izjavio slijedeće: „Stambeno pitanje je jedan od najvećih prioriteta, ali su potrebne i druge mjere za poboljšanje stanja romske populacije, koje uključuju obrazovanje, zdravstvenu zaštitu i zapošljavanje. Projekat Akcija Roma će se pozabaviti i ovim pitanjima i osigurati grantove za 70 romskih porodica sa ciljem poboljšanja njihovog ekonomskog stanja”.

Dervo Sejdić,

Kali Sara - RIC:


Pomažući poboljšanju životnih uvjeta romskih porodica pogođenih poplavama, projekat je već doprinio postizanju ukupnih rezultata. Evidentna je snažna uključenost romskih nevladinih organizacija u procese donošenja odluka po romskim pitanjima.

Iz te perspektive, pojeekat će osigurati pozitivan doprinos ranijim i trenutnim naporima međunarodne zajednice i BiH vlasti ka rješavanju stambenih problema Roma.

Naredni koraci

Rekonstrukcija 12 stambenih jedinica u Zenici započet će u januaru 2017. godine. U Modriči će biti izgrađena zgrada socijalnog stanovanja sa 10 stambenih jedinica, a u Zavidovićima će nova zgrada imati 12 stambenih jedinica.

U toku je i nastaviti će se anketiranje korisnika kojima su obnovljene ili se obnavljaju kuće u svrhu procjenjivanja potreba i interesovanja za dodjeljivanje grantova za ekonomsku održivost. Bit će dodijeljeni grantovi za 60 porodica.



Ova publikacija je urađena uz pomoć Evropske unije. Sadržaj ove publikacije je isključiva odgovornost Hilfswerk Austria International i ni u kom slučaju ne predstavlja stanovišta Evropske unije.

